

**AKHBAR : BERITA HARIAN**  
**MUKA SURAT : 3**  
**RUANGAN : NASIONAL**

# Kurang pakar pernafasan bantut usaha basmi tibi

Negara sukar capai sasaran ditetapkan WHO

**Kuala Lumpur:** Kekurangan pakar perubatan pernafasan di negara ini akan membantukan usaha Malaysia membasmikan penyakit berjangkit Tuberkulosis atau tibi seperti disarkan Pertubuhan Kesihatan Sedunia (WHO) menjelang 2035.

Ketua Jabatan Respiratori di Hospital Sultanah Bahiyah Alor Setar, Dr Arvindran Alaga, berkata setakat ini, hanya terdapat 41 pakar perubatan pernafasan di negara ini dan ia menyukarkan



negara untuk mencapai sasaran yang ditetapkan oleh WHO itu.

Katanya, pakar yang sama turut perlu merawat penyakit lain, termasuk pesakit yang mengalami asma teruk, penyakit pulmonari obstruktif kronik (COPD) atau penyakit paru-paru kronik dan fibrosis pulmonari idiopatik (IPF).

Tambahnya, terdapat juga keperluan untuk menambah lebih banyak pakar bagi merawat pe-

sakit yang menghidap tibi tahun lalu iaitu penyakit yang lebih teruk berbanding tibi biasa kerana mereka perlu menjalani pemantauan dan rawatan yang lebih panjang.

## Kaji semula kos rawatan

Dalam pada itu, Dr Arvindran dilaporkan *FMT* berharap supaya kos ujian dan rawatan tibi di peringkat global dikaji semula supaya lebih ramai masyarakat mendapat manfaat untuk menerima rawatan berkenaan.

Sementara itu, Presiden Persatuan Perubatan (MMA), Dr Muruga Raj Rajathurai, berkata kerajaan perlu melatih lebih ramai pengamal am supaya ia dapat mengesani penyakit itu lebih awal, seterusnya mengurangkan penyakit itu daripada terus merebak.

Bagaimanapun, Dr Muruga berkata, peruntukan dana juga diperlukan untuk melatih lebih ramai pakar perubatan pernafasan serta menjalankan lebih banyak penyelidikan dan memastikan bekalan ubat yang mencukupi bagi merawat penyakit berkenaan.

Sebelum ini, Menteri Kesihatan, Dr Zaliha Mustafa, memaklumkan sebanyak 2,572 kematian tibi direkodkan tahun lalu dan jumlahnya meningkat sebanyak 12 peratus atau 284 kes berbanding 2021.

Dalam kenyataan sempena Hari Tibi Sedunia, Dr Zaliha berkata, sebanyak 25,391 kes penyakit berkenaan dilaporkan pada tahun lalu, dengan peningkatan sebanyak 3,664 atau 17 peratus berbanding 21,727 kes, sepanjang tempoh sama tahun sebelumnya.

**Syor tak perlu beri rawatan percuma kepada PATI**

**Kuala Lumpur:** Kerajaan dicadangkan untuk tidak menghambiskan wang ringgit memberi perubatan percuma kepada pendatang asing tanpa izin (PATI) yang mempunyai risiko kesihatan seperti penyakit tibi.

Pakar sosial, Prof Datuk Dr Mohammad Shatar Sabran, berkata wang itu sepatutnya boleh digunakan untuk kebaikan rakyat dan pembangunan lain, yang memanfaatkan rakyat.

"Mengapa perlu dibahiskan wang untuk PATI? PATI sendiri perlu bertanggungjawab terhadap kesihatan mereka."

"Mereka juga boleh ke keduduan masing-masing jika berdepan masalah dan tidak mengharapkan negara ini untuk membayai risiko perbuatan yang mereka sendiri sedar ia salah," katanya kepada BH.

Terdahulu, BH melaporkan, kebanjiran PATI di negara ini menjadi antara faktor menyebabkan jumlah kematian akibat penyakit tibi pada 2022 meningkat sebanyak 12 peratus berbanding tahun sebelumnya.

Jumlah kematian akibat penyakit tibi di negara ini pada 2022 adalah 2,572 kes, dengan kadar kematian 7.9 setiap 100,000 penduduk.

Ia meningkat sebanyak 224 kematian (12 peratus) berbanding 2,288 kematian dengan kadar kematian 6.9 peratus setiap 100,000 penduduk pada tahun sebelumnya.

**Mengulas lanjut,** Mohammad Shatar berkata, kebanjiran PATI adalah kesan pembangunan pesat berlaku di se sebuah negara.

"Jika kita lihat di negara maju lain seperti United Kingdom (UK), Qatar atau Dubai, masalah ini turut berlaku dan sukar dielakkan. Negara yang maju dan pesat membangun ini menjadi tumpuan mereka yang mahu mencari peluang, termasuklah masuk secara salah," katanya.

Beliau berkata, rakyat juga tidak seharusnya bergantung sepenuhnya kepada kerajaan dan badan penguasa untuk membendung kebanjiran PATI, sebaliknya menjadi mata dan telinga masyarakat bagi memastikan masalah itu dapat ditangani dengan berkesan.

**Mohammad Shatar Sabran**



## MMA persoal henti tajaan pelajar perubatan

**Kuala Lumpur:** Persatuan Perubatan Malaysia (MMA) menasihati Jabatan Perkhidmatan Awam (JPA) menjelaskan tindakan kerajaan menghentikan penajaan pelajar perubatan di universiti tempatan.

Mengakui kerajaan perlu menguruskan bilangan graduan perubatan yang didakwa semakin ramai ketika ini, Presiden MMA, Dr Muruga Raj Rajathurai, berpendapat tindakan menghentikan biasiswa untuk pengajian perubatan bukan langkah penyelesaian.

Beliau meminta JPA dapat berkongsi unjuran pegawai perubatan, pakar perubatan, kakitangan penjagaan kesihatan bersekutu dan lain-lain kakitangan penjagaan kesihatan yang diperlukan untuk tempoh lima tahun hingga 10 tahun akan datang.

Katanya, sehingga kini, Malaysia masih belum memenuhi cadangan nisbah seorang doktor kepada 400 pesakit (1:400) untuk kemudahan penjagaan kesihatan awam.

"Di sesetengah hospital, ni-

sbah boleh meningkat setingga 1:1000 pesakit dan terdapat juga kekurangan dalam bilangan orang awam berbanding pakar penjagaan kesihatan.

"Justeru, adakah langkah menghentikan biasiswa ini akan menjelaskan kepakaran diperlukan dalam sektor penjagaan kesihatan awam dalam masa terdekat dan jangka panjang?"

"Apakah dasar kerajaan terhadap perancangan sumber untuk sektor penjagaan kesihatan awam?" katanya dalam satu kenyataan.

Dr Muruga merujuk kepada iklan tawaran biasiswa oleh JPA bagi program ijazah dalam negara (PIDN), yang menyatakan bidang tidak ditaja adalah perubatan, pergigian dan farmasi.

Mengulas lanjut, beliau berkata, kerajaan perlu membuat perancangan yang rapi dan mengambil kira sumber manusia penjagaan kesihatan, keperluan dan pertumbuhan penduduk.

"Masa yang mencukupi juga diperlukan untuk melatih pekerja penjagaan kesihatan. Kembangannya adalah mungkin tiada pakar yang mencukupi pada masa hadapan kerana permintaan untuk perkhidmatan pakar semakin meningkat dan dijangka terus meningkat disebabkan populasi yang semakin tua," katanya.

Beliau berkata, Malaysia akan mencapai status negara tua pada 2030, dengan 15 peratus daripada populasi negara ini akan berusia 60 tahun ke atas.

## Perlukan sokongan

Selain itu, katanya, pelajar universiti tempatan yang ingin meneruskan kerjaya dalam bidang perubatan masih memerlukan sokongan kerana bukan semua berasal daripada keluarga berkemampuan.

Merujuk kepada tarawan PIDN 2023, bidang lain yang turut tidak ditawarkan tajaan biasiswa adalah pendidikan dan semua bidang yang memerlukan pelajar mengambil lesen seperti lesen pernambangan dan lesen menyelam.

Selain itu, program berbentuk francis universiti awam atau swasta, program berkembar, dual ijazah, double degree dengan institusi lain kecuali yang dibenarkan.

Program kejururawatan, separa perubatan dan program praperkhidmatan; program berkaitan sijil profesional seperti ACCA dan program pengajian secara separuh masa, jarak jauh, dalam talian pengajian atau program pengajian tanpa subsidi yuran pengajian juga disenaraikan sebagai tidak layak untuk mendapat tajaan JPA.



AKHBAR : BERITA HARIAN  
 MUKA SURAT : 13  
 RUANGAN : NASIONAL

# Syor pecahkan monopoli bidang farmasi

Pemberian konsesi untuk tempoh terlalu lama berisiko jejas bekalan

**Kuala Lumpur:** Monopoli bidang farmasi perlu dipecahkan kerana sektor kesihatan awam negara sudah terlalu lama bergantung kepada satu syarikat sebagai pembekal ubat-ubatan.

Ketua Pegawai Eksekutif Pusat Galen untuk Dasar Kesihatan dan Sosial, Azrul Mohd Khalib, berkata pemberian perjanjian konsesi untuk tempoh terlalu lama kepada satu syarikat menghalang syarikat lain menawarkan perkhidmatan mereka.

"Ini sekali gus menghalang kerajaan daripada mencari penyedia perkhidmatan lain, sekiranya syarikat itu gagal."

"Akibatnya, kita sentiasa terdedah kepada gangguan sekiranya syarikat ini menghadapi masalah. Ini dianggap tidak mungkin, namun tetap berlaku," katanya dilaporkan FMT.

Beliau berkata demikian ketika mengulas kenyataan Pengaruh Eksekutif Persatuan Farmaseutikal Malaysia (PhAMA), Chan Li Jin, semalam klasifikasi PN17 Pharmaniaga bagi syarikat yang mengalami masalah kewangan membawa kepada ketidakpastian dan kebimbangan dalam kala-



Monopoli pembekalan ubat-ubatan perlu dipecahkan bagi menjamin kestabilan bekalan ubat. (Foto hiasan)

ngan pembekal ubat.

#### Gangguan bekalan

Menurut Azrul, masalah aliran tunai syarikat berkenaan menyebabkan gangguan tidak baik dalam keupayaan syarikat itu untuk memberi perkhidmatan kepada kerajaan kerana pembekal akan mula hilang keyakinan terhadap syarikat berkenaan.

"Tiada pembekal yang mahu menyediakan perkhidmatan atau barang tanpa jaminan pembayaran. Siapa yang akan bertindak sebagai penjamin mereka?" katanya.

Ditanya mengenai terdapat syarikat lain yang mampu menyediakan perkhidmatan logistik yang sama, beliau berkata itu

pérkhidmatan khusus yang hanya boleh disediakan oleh beberapa syarikat di Malaysia.

"Ada syarikat lain yang menyediakan perkhidmatan berkenaan. Bagaimanapun, mereka kini memberi perkhidmatan kepada sektor swasta."

"Saya percaya jika masalah kewangan syarikat itu tidak diselesaikan, sektor kesihatan awam akan menghadapi masalah menyediakan ubat-ubatan kepada pesakit di seluruh negara," katanya.

Katanya, penyedia perkhidmatan lain juga akan menghadapi masalah untuk mengambil alih daripada Pharmaniaga, kerana mereka tidak melabur atau menyediakan diri mereka untuk melengkapkan atau mengambil alih peranan terbabit.

Sementara itu, semalam Li Jin berkata, dalam tempoh tiga minggu lalu, Pharmaniaga menghantar surat jaminan kepada syarikat farmaseutikal, menjamin operasinya akan kekal utuh dan semua obligasi kewangan kepada pihak berkepentingan akan dipenuhi.

Kita sentiasa terdedah kepada gangguan sekiranya syarikat ini menghadapi masalah.

Ini dianggap tidak mungkin, namun tetap berlaku.

**Azrul Mohd Khalib,**  
 Ketua Pegawai Eksekutif Pusat Galen  
 untuk Dasar Kesihatan dan Sosial



**AKHBAR : BERITA HARIAN**  
**MUKA SURAT : 18**  
**RUANGAN : NASIONAL**

# 6 fasiliti KKM terjejas banjir dibaik pulih tempoh enam bulan

Jumlah kerosakan dianggar RM1.8j manakala kos baik pulih fasiliti pula RM750,000

Oleh Ahmad Ismail  
 bhnews@bh.com.my.

**Segamat:** Enam fasiliti Kementerian Kesihatan (KKM) di Johor yang terjejas akibat banjir awal Mac lalu akan dibaik pulih dalam tempoh enam bulan.

Menterinya, Dr Zaliha Mustafa, berkata enam fasiliti itu membabitkan Klinik Kesihatan Chaah dan lima Klinik Desa (KD) iaitu di Kampung Tengah, Kampung Jawa, Kampung Jabi, Tenang Station dan Desa Temu Jodoh, kesemuanya di Segamat.

"Kita anggarkan jumlah kererosakan sebanyak RM1.8 juta, manakala kos baik pulih fasiliti pula RM750,000 untuk semua fasiliti yang terbabit.

"Jumlah (peruntukan) baik pu-

lih ini sudah diluluskan," kata naya selepas melawat KD Kampong Tengah, di sini, semalam.

Yang turut hadir, Pengarah Kesihatan Johor, Datuk Dr Aman Rabu dan Pegawai Kesihatan Segamat, Dr Zaid Kassim.

**Pindah lokasi fasiliti**

Zaliha berkata, KKM kini sedang mengenal pasti lokasi baharu bagi memindahkan fasiliti kesihatan yang terdedah bencana seperti banjir dan kemalangan.

"Umpamanya, Klinik Desa Kampong Tengah cedangkan lokasi baharunya, beberapa ratus meter dari lokasi asal klinik itu," katanya.

Sementara itu, mengulas mengenai saranan KKM mengubah sistem pekerja perubatan berstatis kontrak kepada satu sistem yang bebas daripada Jabatan Perkhidmatan Awam (JPA) dan Kementerian Kewangan, beliau berkata, ia pandangan yang baik dan cadangan itu boleh dipertimbangkan.

Katanya, KKM menerima pandangan itu secara terbuka, namun memerlukan penilaian dan memerlukan sedikit masa serta penelitian menyeluruh dari pelbagai sudut.



Dr Zaliha diberikan taklimat oleh Pegawai Kesihatan Segamat, Dr Zaid Kassim mengenai banjir pada Mac lalu di Klinik Desa Kampung Tengah, semalam.  
 (Foto Ahmad Ismail/BH)

Ahli Parlimen Sekijang itu.

Jumaat lalu, Pakar Perubatan Kesihatan Awam dan Epidemiologi, Datuk Dr Zaizal Ariffin Omar menyarankan kerajaan mewujudkan sistem yang bebas

dari JPA dan Kementerian Kewangan.

Katanya, kerajaan perlu mewujudkan sistem yang bebas supaya kebijakan kumpulan berkenaan dapat ditambah baik.

AKHBAR : KOSMO  
MUKA SURAT : 4  
RUANGAN : NEGARA

## 6 bulan baik pulih fasiliti kesihatan terjejas banjir di Johor

**SEGAMAT** – Enam fasiliti milik Kementerian Kesihatan (KKM) yang terjejas banjir sejak awal Mac lalu dijangka siap dibaik pulih sepenuhnya dalam masa enam bulan.

Menteri Kesihatan, Dr. Zaliha Mustafa berkata, ia melibatkan lima klinik desa dan sebuah klinik kesihatan di Segamat.

Katanya, kos kererosakan semua fasiliti terbabit dianggarkan RM1.8 juta, manakala kos baik pulih pula RM750,000.

"Kita juga meneliti lokasi baru beberapa fasiliti kesihatan bagi mengelak terkena musibah banjir pada masa depan.

"Contohnya, Klinik Desa Kampung Tengah, cadangan lokasi baharunya beberapa ratus meter dari lokasi sedia ada," katanya ketika meninjau Klinik Desa Kampung Tengah di sini yang terjejas banjir awal bulan ini.



DR. ZALIHA (kanan) melihat gambar-gambar yang memaparkan kejadian banjir di Klinik Desa Kampung Tengah, Segamat semalam.

Dalam pada itu, Dr. Zaliha memberitahu, KKM sedia mempertimbangkan cadangan agar kementerian itu mengubah sistem pekerja perubatan berstatus kontrak bagi meningkatkan kua-

liti di sektor tersebut.

"KKM menerima pandangan itu secara terbuka, namun kita perlukan penilaian dan penelitian menyeluruh dari pelbagai sudut," ujarnya.

AKHBAR : KOSMO  
MUKA SURAT : 18  
RUANGAN : NEGARA

## Aduan popia berbau dijual di bazar Ramadan disiasat



INILAH popia basah didakwa sudah berbau yang dijual di Bazar Ramadan Stadium Tampin.

**TAMPIN** – Pejabat Kesihatan Daerah (PKD) Tampin akan menyiasat kesahihan aduan mengenai jualan popia basah yang dipercaya sudah berbau yang dijual di Bazar Ramadan Stadium Tampin di sini.

Pengerusi Jawatankuasa Bertindak Kesihatan Alam Sekitar, Koperasi dan Kepenggunaan Negeri Sembilan, S. Veerapan berkata, PKD Tampin setakat ini belum menerima sebarang aduan rasmi tentang keracunan makanan di bazar tersebut.

Bagaimanapun, menurutnya, Bahagian Keselamatan dan Kualiti Makanan akan menyiasat dan telah ditugaskan untuk membuat pemantauan di setiap bazar Ramadan.

"Jika berlaku kejadian seperti ini, pembeli boleh terus membuat aduan kepada pihak berwajib untuk tindakan sewajarnya," kata beliau semalam.

Terdahulu, tular di media sosial sejak kelmarin mengenai aduan seorang pengguna yang terbeli popia yang sudah berbau

busuk serta tidak sesuai lagi untuk dimakan.

Dakwa pengguna media sosial terbabit, dia membeli juadah tersebut dengan harga RMS bagi empat popia basah.

"Beli bukan untuk masuk mulut, tapi semata-mata nak masuk tong sampah. Isi di dalam sudah berbau."

"Nayo (aniaya) kalau makan sakit perut, pole (pergi) hospital," dakwanya sambil menasihatkan peniaga agar lebih menjaga kualiti makanan.

**AKHBAR : KOSMO****MUKA SURAT : 21****RUANGAN : K2**

## 18.3 peratus rakyat Malaysia hidap diabetis

DIABETES merupakan penyakit kronik yang menyebabkan kegagalan tubuh pesakit untuk mengawal peningkatan paras glukosa dalam darah.

Sekiranya situasi tersebut dibiarkan berterusan, ia boleh menjurus kepada kerosakan serius kepada organ badan.

Oleh itu, akses kepada rawatan yang sewajarnya bagi mereka yang menghidap diabetes adalah penting demi kelangsungan hidup.

Ketua Pengarah Kesihatan Tan Sri Dr. Noor Hisham Abdullah berkata, diabetes bukan sahaja menyumbang kepada beban penyakit yang tinggi, malah memerlukan perbelanjaan besar untuk merawatnya.

Menurutnya, berdasarkan laporan *The Direct Healthcare Cost of Noncommunicable Diseases in Malaysia* menganggarkan sebanyak RM4.38 bilion atau 45.38 peratus daripada jumlah kos keseluruhan telah dibelanjakan untuk rawatan diabetes pada tahun 2017.


"Beban kos ini dijangka akan terus meningkat sekiranya tindakan sewajarnya tidak diambil," katanya dalam satu kenyataan akhbar sempena Sambutan Hari Diabetes Sedunia pada November lalu.

Namun, prevalen diabetes masih menunjukkan trend peningkatan yang membimbangkan sebab tahun.

Noor Hisham menjelaskan, di peringkat global, dianggarkan seramai 537 juta orang dewasa yang berumur 20 hingga 79 tahun menghidap diabetes pada 2021.

"Di Malaysia, kira-kira 3.9 juta orang dewasa berumur 18 tahun dan ke atas atau 18.3 peratus menghidap diabetes. Lebih membingungkan lagi, hampir separuh pesakit diabetes tidak menyedari status penyakit mereka," jelasnya.

NOOR HISHAM



**AKHBAR : SINAR HARIAN**  
**MUKA SURAT : 9**  
**RUANGAN : NASIONAL**

## Virus Marburg tidak akan jadi pandemik di Malaysia – Pakar virologi

**SHAH ALAM** – Potensi virus Marburg untuk merebak di Malaysia dan mencetuskan satu lagi pandemik adalah rendah mengingkarnya kadar kematian bagi individu yang menghidapi penyakit itu adalah tinggi.

Pakar virologi daripada Universiti Sains Malaysia, Profesor Madya Dr Yahya Mat Arip berkata, ini kerana simptom yang ditunjukkan oleh penghidap kebiasaannya hanya mengambil tempoh masa yang singkat.

"Jangkitan untuk virus Marburg sangat cepat iaitu dalam tempoh seminggu sahaja. Disebabkan orang yang dijangkiti itu meninggal dunia, jadi berkemungkinan besar ia sukar untuk merebak atau menjangkiti orang lain."

"Kadar motiliti/kematian yang sangat tinggi iaitu 90 peratus menyebabkan dari segi virologinya, ia sukar untuk jadi pandemik di negara ini."

"Selain itu, didapati enam per sepuluh

daripada orang yang dijangkiti virus ini akan mati.

"Malah, risiko penilaian Pertubuhan Kesihatan Sedunia (WHO) berhubung penularan virus ini ke negara-negara luar Afrika juga adalah rendah," katanya kepada *Sinar Harian* pada Ahad.

Sebelum ini, Kementerian Kesihatan negara Malawi mengeluarkan amaran mengenai penyakit virus Marburg yang setakat ini telah meragut lima nyawa di wilayah barat laut Kagera, Tanzania.

Bagaimanapun, Kementerian Kesihatan Malaysia (KKM) pada Sabtu memaklumkan, tiada penyakit virus Marburg dikesan di Malaysia setakat ini.

Mengulas lanjut mengenai virus yang sedang menyerang negara-negara Afrika itu, Dr Yahya menjelaskan, Marburg adalah



YAHYA

sebahagian daripada keluarga filovirus, sama seperti virus Ebola yang disebarluaskan daripada haiwan liar seperti kelawar dan monyet.

Beliau berkata, virus yang mampu merebak dengan pantas itu juga boleh menjangkiti sesama manusia melalui sentuhan langsung, darah atau cecair dalam badan termasuk air liur.

"Apabila dijangkiti, ia akan menular mengikut cecair badan individu yang dijangkiti tersebut atau permukaan benda yang tercemar dengan virus itu."

"Mereka yang dijangkiti akan mengalami simptom seperti demam teruk, muntah, cirit-birit dan pendarahan di beberapa kawasan termasuk mata, hidung dan gusi."

"Kebiasaannya, penghidap yang

menunjukkan simptom yang amat teruk akan berisiko meninggal dunia dalam tempoh lebih kurang seminggu," ujarnya.

Tambah Dr Yahya lagi, pemantauan ketat terutamanya di pintu masuk antarabangsa negara merupakan antara langkah yang boleh dilakukan oleh kerajaan dalam usaha mengekang virus itu masuk ke Malaysia.

Katanya, pihak berkuasa perlu membuat saringan kesihatan secara lebih teliti terhadap pengembala yang tiba dari negara-negara Afrika.

"Ketika ini, kes penyakit virus Marburg telah banyak dikenal pasti di benua Afrika kerana kita sedia maklum, negara-negara tersebut memang dihuni oleh banyak binatang liar sebab itu virus Marburg mudah merebak di sana."

"Virus ini tidak ada lagi di Malaysia, jadi saringan di pintu masuk adalah langkah terbaik untuk pastikan ia tidak terlepas ke dalam negara," ujarnya.

AKHBAR : SINAR HARIAN

MUKA SURAT : 5

RUANGAN : NASIONAL

## MMA persoal kerajaan henti pinjaman pelajar perubatan

**SHAH ALAM** - Jabatan Perkhidmatan Awam (JPA) perlu menjelaskan tindakan mengejut menghentikan pinjaman pelajar di universiti tempatan yang berhasrat untuk menyambung pengajian dalam bidang perubatan.

Presiden Persatuan Perubatan Malaysia (MMA), Dr Muruga Raj Rajathurai berkata, meskipun kerajaan perlu mengawal bilangan graduan dalam bidang itu, namun bukan dengan cara menghentikan pinjaman pengajian.

"Adakah langkah ini akan menjasakan kepakaran yang diperlukan untuk sektor penjagaan kesihatan awam dalam masa terdekat dan jangka panjang?

"Apakah dasar kerajaan mengenai perancangan sumber manusia untuk sektor penjagaan kesihatan awam?" soalnya dalam satu kenyataan pada Ahad.

JPA dalam satu kenyataan pada 25 Mac memaklumkan bidang perubatan, pergiongan, farmasi dan pendidikan adalah antara kursus yang tidak lagi ditawarkan tajaan oleh jabatan tersebut pada tahun ini.

Tambah Dr Muruga, MMA juga berharap agar JPA dapat berkongsikan unjurian pegawai perubatan, pakar, kakitangan penjagaan kesihatan yang akan diperlukan untuk lima dan 10 tahun akan datang.

Jelas beliau, sehingga kini, negara masih belum mencapai nisbah seorang



DR MURUGA

doktor untuk 400 pesakit yang disyorkan di fasiliti penjagaan kesihatan awam.

Menurutnya, di setengah hospital, nisbah boleh menjadi sehingga satu doktor kepada 1,000 pesakit dan masih juga terdapat kekurangan bagi pakar penjagaan kesihatan awam.

"Perlu ada perancangan yang secukupnya untuk penjagaan kesihatan dengan mengambil kira keperluan dan pertumbuhan penduduk. Masa yang mencukupi juga diperlukan untuk melatih pekerja dalam sektor penjagaan kesihatan."

"Kebimbangan kami adalah mungkin tiada pakar yang secukupnya pada masa hadapan kerana permintaan untuk perkhidmatan ini semakin meningkat dan dijangka terus meningkat berikutan populasi yang semakin tua."

"Malaysia akan mencapai status negara menua pada 2030 di mana 15 peratus daripada penduduknya akan berumur 60 tahun atau lebih. Bagaimana kita bersedia untuk perubahan demografi dalam populasi kita?" soalnya lagi.

Tambah beliau, pelajar universiti tempatan yang ingin meneruskan kerjaya dalam bidang perubatan masih memerlukan sokongan.

"Semua pihak harus terus menyokong mereka disebabkan tidak semua pelajar berasal dari keluarga yang berada," tambah beliau.

AKHBAR : NEW STRAITS TIMES

MUKA SURAT : 8

RUANGAN : NATION / NEWS

# 'CLINICS TO BE FIXED IN 6 MONTHS'

RM750,000 allocation for facilities has been approved, says health minister

## SEGAMAT

**R**EPAIRS to six health facilities in the state severely affected by floods are expected to be completed within six months.

Health Minister Dr Zaliha Mustafa said the six facilities were Chaah Health Clinic and five rural clinics in Kampung Tengah, Kampung Jawa, Kampung Jabi, Tenang Station and Desa Temu Jodoh, all in Segamat.

"The total damage is estimated to be RM1.8 million.

"The cost of repairing all these facilities is estimated to be RM750,000. The amount for this purpose has been approved," she said after visiting the rural clinic in Kampung Tengah here.

On if there were any facilities being considered for relocation following the disaster, she said only Kampung Tengah rural clinic would be relocated.

"In Kampung Tengah, the clinic is not only exposed to floods, but it is located close to the road. There has already been an accident involving a lorry.

"We have visited the new site, 3km from here, which will be considered as a site for the new facility," said Dr Zaliha.

On the recommendation for the Health



Health Minister Dr Zaliha Mustafa visiting the rural clinic in Kampung Tengah, Segamat, yesterday. BERNAMA PIC

Ministry to change the contract system for healthcare workers to a system independent of the Public Service Department and the Finance Ministry, Dr Zaliha said it could be considered.

"It's a good point of view. We can consider it, but it's not something that can be implemented quickly as it involves the service ecosystem itself."

On Friday, public health physician and epidemiologist Datuk Dr Zainal Ariffin Omar urged the ministry to change the system of contract healthcare workers if

the ministry wanted to improve the country's health sector.

He said the government needed to create an independent system so that the welfare of the group could be improved.

A total of 6,036 medical officers and 890 ministry specialists were reported to have resigned, from 2018 to 2022. **Bernama**

AKHBAR : THE SUN  
MUKA SURAT : 2  
RUANGAN : NEWS WITHOUT BORDERS



**UPDATED INFO ...** Health Minister Dr Zaliha Mustafa getting a briefing from Segamat district health officer Dr Zaid Kassim during her visit to Klinik Desa Kampung Tengah, which was affected by floods recently.  
—BERNAMAPIC